



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 38. Quid notandum sit circa propositionem, quam Alex. VIII. damnavit.

**urn:nbn:de:hbz:466:1-42634**

ritatem efficientem , quando mandata Dei observo, vel aliquid boni facio, ideo , quia scio hoc velle Deum atque infinitæ ejus bonitati placere ; itaque Fideles, qui sciunt opera sua , orationem v. g., auditionem Sacri, jejunium, eleemosynam, fugam peccatorum, observationem cuiuscunque mandati placere Deo, sive Deum infinitè bonum hoc velle , nisi ea opera agant ex vana gloria vel pravo alio fine , præsumere possunt se ideo agere , quia sciunt Deum infinitè bonum id velle , quia Deo infinitè bono gratum est &c: , atque sic habent actum Charitatis efficientis erga Deum, Similiter qui attentè & feriò orat , *Pater noster* , quando dicit *sanctificetur nomen tuum, fiat voluntas tua sicut in celo & in terra* , hoc ipso habet duos actus Charitatis erga Deum.

*Q. 38. Quid notandum sit circa propositionem , 144 quam Alex. VIII die 24 Aug. 1690. damnavit velur hereticam : bonitas objectiva consistit in convenientia obiecti cum natura rationali ; formalis verò in conformitate actus cum regula morum : Ad hoc sufficit , ut actus moralis tendat in finem ultimum interpretative.. . . hunc homo non tenetur amare , neque in principio neque in decursu vite suæ moralis. R. Seqq:*

§. 1. Hæc propositio habet quatuor partes ; prima pars dicit, in quo consistat bonitas objectiva actus moralis ; secunda , in quo consistat bonitas illius formalis ; tertia , quod ad actum moralem sufficiat tendere in finem ultimum interpretativè , id est, quamvis operans , actu neque formaliter neque virtualiter neque habitualiter referat actionem suam ad finem ultimum, quia de eo non cogitat neque cogitavit , dummodo sit ita constitutus, ut ad eum referret, si de eo cogitaret,

gitaret, actio erit moraliter bona; per finem autem ultimum intelligi potest, vel beatitudo formalis seu possessio Dei, vel Deus ipse, qui est finis ultimus objectivus. *Quarta* pars dicit hominem non teneri amare finem ultimum, neque in principio vita, quando nempe accipit talem discretionem, ut possit liberè bene vel male operari; neque per decursum vita sequentis: *Prima & secunda* pars non sunt damnatae, sed manent veræ, si accipientur separatim ab aliis partibus, ad hoc enim ut tota propositio censeatur falsa & heretica, non est opus singulas partes, sed satis est unicam esse talem, ut patet, si dicam, *Petrus est homo, Christus autem non est homo*, tota realiter propositio secundum se est falsa & heretica, cum sit unus indivisibilis assensus, non conformis toti objecto, sed diffinis objecto revelato; à toto autem desumi debet veritas, ut suppono ex Logica. An *tertia* pars sit damnata necne, non pertinet ad hanc materiam; videtur tamen esse falsa, quia si nulla sit vel fuerit relatio ad finem ultimum aut ad aliam moralitatem objectivam, non apparet, unde possit in actu esse vera moralitas formalis. *Quarta* pars est damnata, & ideo in quibusdam impressionibus sola pars illa scribitur majusculis: Ex hac autem damnatione constat, esse obligationem finem ultimum amandi, & hoc quidem, quamprimum aliquis discernere potest, quid sit finis ultimus. An autem homo primo instanti rationis ita obligetur se convertere ad Deum & finem ultimum, ut si non faciat, hoc ipso peccet mortaliter, disputant Authores, *Thomista, Nav. Tol.* affirmant; alii probabiliter negant; certum videtur, quod sæpiissime à mortali

excusat

excuset defectus perfectæ advertentiæ vel ad obligationem vel ad malitiam omissionis , veletiam ad bonitatem finis ultimi : notatque rectè Petsch: in app: qq: select: q. 11. §. 2., per instans usus rationis , quo tenemur diligere Deum , non intelligi aliquod instans physicum indivisibile , sed totam illam durationem , quā homo indigeret ad discernendum inter bonum & malum , & ad deliberandum quodnam ex illis sit amplectendum.

§. 2. Ex eadem damnatione colligitur , etiam 145 obligationem esse aliquando amandi finem ultimum per decursum vitæ , uti rectè probat Mendio suprà q. 13. , probabilius enim videtur , quod illa quarta pars damnetur distributivè , ita ut non tantum vera sit hæc contradictoria , amari debet finis ultimus vel in principio vel in decursu vitæ , sed etiam illa contraria , amari debet finis ultimus , & in principio & in decursu vitæ , hoc enim censi debet voluisse declarare Pontifex , quod aliunde certum erat ex Fide vel damnatione aliarum propositionum , sic autem erat certum nos teneri & in principio & in decursu vitæ tendere ad finem ultimum , ergo censi debet voluisse hoc declarare Pontifex .

Q. 39. Quomodo aliquis disponi possit ad perfec- 146 tūm amorem Dei. R. Proponendo seqq:

§. 1. Amare nihil aliud est , quam voluntate ferri in aliquod bonum , vel desiderando illud , vel de illo gaudendo , vel sibi complacendo in illo &c. Quod si ferar in illud bonum , quia mihi amanti bonum est , dicitur amor concupiscentiæ ; si autem ferar in illud , quia personæ amatæ bonum est , dicitur amor amicitiæ aut benevolètiæ .

H

§. 2.